

Angajoqqaat naartunermut, erninermut meeravissartaarnermullu atatillugu sulinngiffeqarsinnaatitaanerisa sapaatit akunnerinik sisamanik sivitsorneqarnissaa siunertaralugu Inatsisartut Inatsisaata nr. 14-p 17. december 2009-meersup allanngortinnissaanut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Allanguut atortuulersinneqassaaq ulloq 1. juli 2018 aallarnerfigalugu.

(Inatsisartunut ilaasortamit, Randi Vestergaardimit, Demokraatit, saqqummiunneqartoq)

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerreqarneranut

ISUMALIUTISSIISSUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Nivi Olsen, Demokraatit, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Mala Høy Kuko, Siumut
Inatsisartunut ilaasortaq Debora Kleist, Inuit Ataqatigiit
Inatsisartunut ilaasortaq Mimi Karlsen, Inuit Ataqatigiit
Inatsisartunut ilaasortaq Bendt B. Kristiansen, Inuit Ataqatigiit

UPA 2017-imi ulloq 23. maj 2017-imi siullermeerinerup kingorna ataatsimiititaliap siunnersuut sukumiisumik misissorpaa.

UPA 2017-imi siunnersuutip siullermeerreqarnerani UKA 2017-imi inaarutaasumik aappassaaneerinermi ataatsimiititaliap ilaasortaasa katitigaanerat allannguuteqarmat oqaatigineqassaaq.

Siunnersuutip imarisaa siunertaalu

Siunnersuuteqartup aalajangiiffigisassatut siunnersuummik saqqummiussaqaarnermigut angajoqqaat sulinngiffeqarsinnaatitaanerisa 1. juli 2018 aallarnerfigalugu sapaatit akunnerinik sisamanik sivitsorneqarnissaa Inatsisartunit taparserneqarnissaa kissaatigaa.

Siunnersuutip Inatsisartunit siullermeerreqarnera

Ilaqutariit meerartallit atugaat annertuumik pingaartinneqartut siunnersuutip siullermeerneqarnerani akissuteqaammi Naalakkersuisut erseqqissaatigaat, angajoqqaalli sulinngiffeqarsinnaatitaaneri kisiat samminagu atukkat annertunerusumik isiginiarneqarnerusariaqarput. Erninermut atatillugu aningaasaateqarfimmik pilersitsiniarluni sulisoqarnissaa pillugu Naalakkersuit suliffeqarfiillu akornanni isumaqatigiissutigineqarmat naammagisimaarlugu Naalakkersuisut erseqqissaatigaat.

Meeqqanut tapiissutit ineqarnermullu tapiissutit pillugit iluarsiiisuteqartoqarnissaa sulissutigineqartoq akissuteqaammi ilanngullugu Naalakkersuisut ilisimatitsissutigaa.

Ilaqutariit meerartallit atugaat annertunerusumik tamakkiinerusumillu nalilersuiffigineqarnissaa Naalakkersuisunit kissaatigineqarmat siunnersuutigineqartup itigartinneqarnissaa Naalakkersuisut inassutigaa.

Akissuteqaammi siunnersuummut allannguutissatut siunnersuummik imaattumik Naalakkersuisut saqqummiussaqaqarput:

”Ilaqutariit meerartallit erninermi sulinngiffeqarnermi/angajoqqaat sulinngiffeqarnerini suut tamaasa ilanngullugit naliliiffiginerini atugaat misissoqqissaarneqassasut, matumani ilanngullugit ilusiliussat arlallit atorneqarsinnaasut, ilaqutariit meerartallit erninermi sulinngiffeqarnermi/angajoqqaat sulinngiffeqarnerini atugaat qanoq iliorluni pitsaanerulersinnaanersut misissorneqassasut. Peqatigitillugu aningaasaqarnikkut kingunerisassai erseqqissarneqartariaqarput, aningaasaqarnikkut atuisinnaanerup pitsaanerpaamik atornissaata nalilernissaanut naammattumik tunngavissaqarsinnaajumalluni.”

Naalakkersuisooqatigiit **Siumut, Inuit Ataqatigiit aamma Parti Naleraq** ataatsimut oqaaseqaataanni Naalakkersuit allannguutissatut siunnersuutaat tapersersorneqarpoq. Allannguutissatut siunnersuutigineqartoq paasilluarneqartoq aammalu angajoqqaat sulinngiffeqarsinnaatitaanerisa sivitsorneqarnissaa akerlerineqanngitsoq ilanngullugu erseqqissaatigineqarpoq. Ajornartorsiutigineqartup Naalakkersuisunit saqqummiunneqartup paasiuminarnerusumik nassuiarneqarnissaa naalakkersuisooqatigiinnit politikikkut ilaatigut kissaatiginartinneqarpoq. UKA 2016/107-imut Ilaqutariittut inuunermut iluaqutaanerusumik sulisoqarnermut politikkeqalernissaa pillugu aalajangiiffigisassatut siunnersuutip malitsepartitsissumik nassuiaasiortoqarnissaa pillugu kissaatigineqartoq Naalakkersuisut nassuiaataat oqaaseqaammi immikkut innersuussutigineqarpoq. Nassuiaatissap pineqartup suliarineqarnissaa allannguutissatullu siunnersuummi misissueqqissaarnissaa Naalakkersuisut siunnersuutigisaat ingerlanneqassasoq partiinit naalakkersuisooqatigiinneersunit kissaatigineqarpoq, taamaalillutik iliuitsit taakku ataatsimoorlutik ilaqutariit meerartallit atugarisaasa tassunga ilanngullugu erninermut atatillugu sulinngiffeqarnermi

atugassarititaasut pitsanngorsaavigineqarnissaannik naalakkersuinikkut isumaliutersuutit ingerlateqqinneranni aalajangiinissamut siamasissumik tunngaviuisinnaammata.

Illuatungiliuttuut **Demokraatit Atassutillu** ataatsimut oqaaseqaatiminni saqqummiuppaat angajoqqaat sulinnigiffeqarsinnaatitaanerisa sapaatit akunnerinik sisamanik sivitsorneqarnissaa pillugu siunnersuut ilusimisut iluseqartillugu saqqummiunneqartoq ersarissumik tamakkiisumillu tapersorsorlugu. Aningaasalersuinissamik piumasqaatit innersuunneqartut saniatigut siunnersuutigineqartoq eqqorluinnartuusoq illuatungiliuttut erseqqissaatigaat. Naalakkersuisut allannguutissat siunnersuutigisaat piviusorsioruunngitsoq tapersorsornartinneqanngitsorlu, angajoqqaat sulinnigiffeqarsinnaatitaanerisa sivitsorneqarnissaanik siunnersuutigineqartoq pillugu naalakkersuinikkut ataatsimut kissaatigineqartoq kinguarsaataannaassasoq siunertaqartoq illuatungiliuttunit isumaqarfigineqarpoq.

Tamanna tunngavigalugu siunnersuut nalilerneqartussanngorlugu Ilaqutariinnermut Peqqissutsimullu Ataatsimiititaliamut innersuussutigineqarpoq.

Saaffiginnissutit

Akissuteqaammut akerliusumik erninnermut atatillugu aningaasaateqarfimmik pilersitsinissamut periarfissamik Naalakkersuisut oqaloqatigineqarsimannginnertik aammalu tamanna pillugu oqaloqatigiinnissamut qaaqquneqarsimannginnertik IMAK-ip saaffiginnissummini eqqumaffigeqquvaa, ulloq 25. maj 2017-imi IMAK-ip siunnersuutaanut atatillugu ataatsimiititaliaq tigusaqarpoq.

IMAK-p saaffiginnissutaa isumaliutissiisummi **Ilanngussaq 1-tut** ilanngunneqarpoq.

Apeqquteqaat

Ataatsimiititaliap siunnersuummik suliaqarnerminut atatillugu apeqqutit arlallit akineqarnissaat Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisumut ataatsimiititaliap qinnutigaa. Ataatsimiititaliap apeqquteqaataata Naalakkersuisunullu ilaasortap akissuteqaataa assilineri isumaliutissiisummut matumunnga **ilanngussaq 2-tut** aamma **ilanngussaq 3-tut** ilanngunneqarput.

Ilaqutariinnermut, Isumaginninnermut, Naligiissitaanermut Inatsisinillu Atuutsitsinnermut Naalakkersuisumik ataatsimeeqateqarneq

Akissuteqaat **ilanngussaq 3-miittoq** aallaavigalugu Ilaqutariinnermut, Isumaginninnermut, Naligiissitaanermut Inatsisinillu Atuutsitsinnermut Naalakkersuisoq ullo 10. oktober 2017-imi ataatsimiititaliamit ilisimatitsiffiusumik oqaloqatigiiffiusumillu ataatsimeeqatigineqarpoq.

Ataatsimiititaliap siunnersuummik suliarinninnera

Isumaginninnikkut politikki eqqarsaatigalugu ilaqutariit meerartallit sulinngiffeqartarnerisa sivitsorneqarnissaanut periarfissaasa pitsaanerulersinneqarnissaanut pisariaqartitsineq taamaalillunilu pitsaanerulersinneqarnissaat siunnersuuteqartumit saqqummiunneqarmat ataatsimiititaliamit annertuummik naammagisimaarneqarpoq. Politikkkut samminninnerup isumaginninnikkullu politikkkut anguniakkat siunertallu taama siunnersuuteqarnikkut aalajangiusimanneqataasut ataatsimiititaliaq isumaqarpoq.

Sulinngiffeqarnissamut periarfissat pitsanngorsarneqarnissaat nukittorsarneqarnissaallu pillugu tunngaviusumik naalackersuinikkut takorluukkat ataatsimiititaliamit naammagisimaarneqarlutik maluginiarneqarput.

Nunatsinni ilaqutariinnut meerartalinnut atugassarititaasut toqqissisimanissamullu periarfissat ataatsimut isigisumik aalajangersimasumillu nukittorsarneqarnissaanut suliniartoqartariaqarpoq, taamaaliornikkut tamatumani atugarissaarnissamut aaqqissuusaaernerput annertusarsinnaaniassagatsigu ineriartortillugulu, aammalu ilaqutariinnut meerartalinnut ataasiakkaanut atugassarititaasut tunngaviusumik tapersorneqarniassammata. Meeqqap inuunerata ukiuini siullerni, qanilaarneq avatangiisillu pitsaasut meeqqap toqqissisimasumik inuuneqarnissaanut pingaaruteqarluinnartuupput tamanit angorusunneqartoq kissaatigineqartorlu.

Siunnersuummut matumunnga **ilannugsaq 2** aamma **ilannugsaq 3** innersuussutigalugit erninermut atatillugu aningaasaateqarfimmik Naalackersuisut suliaqarnerannut killiffimmik ilisimatinneqarnissamik ataatsimiititaliaq kissaateqarpoq. Tamatuma saniatigut meeqqanut tapit ineqarnermullu tapit ilaqutariinnut meerartallit atugaasa avatangiisaasalu pitsanngorsarneqarnissaat pillugu angusaqarluarnissamut qanoq ataqatigiitsiginersut ataatsimiititaliamit paasisaqarfigerusunneqarpoq.

Ilannugsaq 3-mi Naalackersuisut akissuteqaataat ataatsimiititaliap tusaatissatut tiguaa.

Ulloq 10. oktober 2017 Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalackersuisumik ataatsimeeqateqarnermi ataatsimiititaliamit uppernarsineqarpoq erninermut atatillugu aningaasaateqarfimmik pilersitsisinnaaneq siunertaralugu Sulisitsisut SIK-llu akornanni kinguneqarluartumik oqaloqatigiittoqartoq.

Ilaqutariit meerartallit pitsaanerusumik avatangiisaat atugaallu qulakkeerumallugit suliffeqarnermi illuatungeriit inooqataanermik pisussaaffimmik misigisimatitsinissaat pillugu inernerulerumaartussat ataatsimiititaliamit pissangagalugit qilanaarineqarput.

Ilaqutariit meerartallit atugaasa sinaakkutaasalu nukittorsarneqarnissaat pillugu naalackersuinikkut suliaqartunit tunngaviusumik takorloorneqarlunilu kissaatigineqartorujussuusooq siunnersuutip matuma suliarinerata ingerlannerata nalaani ataatsimiititaliamit paasineqarpoq, taamaattumik tamanna tunngavigalugu siumut kisigisumik pitsanngoriaateqartoqarnissaanut tunngatillugu ataatsimiititaliaq isumalluarpoq.

Paatsuugassaangilluinnartumik naalackersuinikkullu ersarissumik nalunaaruteqarnikkut innersuussuteqarnikkullu Naalackersuisut siunnersuutaannut allannguutissatullu siunnersuutigisaannut tunngatillugu ilaqutariittut inuunermut iluaqutaasumik sulisoqarnermut politikkeqalernissaq pillugu nalunaarusiassatut neriorsuutigineqartoq, minnerunngitsumillu Naalackersuisut neriorsuutigisaat allannguutissatut siunnersuummik misissueqqissaarnissaq, taamaalillunilu meerartaarnermut atatillugu sulinngiffeqartarnermi naalackersuinikkut aalajangiinerit suliniutillu ingerlateqqinnissaannut ataatsimut annertunerusumik tunngavissiiinissaq ataatsimiititaliamit utaqqimaarneqarpoq.

Allannguutissatut siunnersuummi misissueqqissaarnerit kingusinnerpaamik UPA 2018-imi pisortatigoortumik pissarsiarineqarsinnaalernissaa ataatsimiititaliamit kaammattuutigineqassaaq, taamaalilluni aningaasaqarnikkut inatsisinullu tunngasut 1. januar 2019-imi piviusunngortinneqarsinnaaniassammata.

Siunnersuutip aningaasatigut kingunerisassai

Inatsisartut Suleriaasianni § 33, imm. 1-imi allassimavoq aalajangiiffigisassatut siunnersuutigisap piviusunngortinneqarnerani aningaasatigut allaffissornikkullu kingunerisassat siunnersuummi tunngavilersuutitut allanneqarsimassasut.

Siunnersuutip piviusunngortinneqarneratigut angajoqqaat sulinngiffeqarsinnaatitaanerisa sapaatit akunnerinik sisamanik sivitsorneqarnissaa aningaasatigut 12.309.898 kr.-inik (2015-imi kisitsisit aallaavigalugit) naleqarnissaanik kinguneqassasoq siunnersuuteqartup oqaatigimmagu ataatsimiititaliamit maluginiarneqarpoq. Aningaasartuutit 90 procentii nunatta karsiata akilissavai aningaasartuutit 10 procentii kommunit akilerneqartut.

Sivitsorneqarnissaanik siunnersuutigineqartup aningaasatigut kingunerisassai Naalackersuisunit suliarineqarmat siunnersuuteqartup erseqqissaatigaa. Tassa siunnersuuteqartoq 2016-imi Inatsisartut Suleriaasianni § 37 naapertorlugu apeqquteqarneratigut – apeqquteqaat 216, 2016-imeersoq innersuussutigineqarpoq.

Naalackersuisut naatsorsuisimanerannut tunngatillugu siunnersuuteqartup ilanngullugu oqaatigaa, naatsorsuisimanerup sulisut sulinngiffeqarnerisa nalaani aningaasarsiaannut tamakkiisumik matussusiinnaangitsut. Siunnersuuteqartoq naapertorlugu tamatumani sulinngiffeqarnerup nalaani tamakkiisumik aningaasarsianut aningaasartuutit

tunniunneqartalersussat erninermut atatillugu ullormusianik tunniussinermit aningaasartuutininnigarnit annertunerussasut. Matumani erninermut atillugu ullormusiat ilinniarsimannigitsup 18-t sinnerlugit ukiullip akissaatikinnerpaaffianiikkaluarpalluunniit. (Siunnersuuteqartup innersuussutigaa SIK-p sulisitsisullu pisortanit ingerlanneqartut akornanni isumaqatigiissutaat). Akerlianik Naalakkersuisut akissuteqaamminni tamakkiisumik erninermut atatillugu ullormusiat sulinngiffeqarneq tamaat tunniunneqartartussanngorlugit naatsorsorsimavaat. Tamatumunnga atatillugu siunnersuuteqartup oqaatigaa, tassalu assersuutigalugu angajoqqaat namminersortuni sulisimagunik angajoqqaat sulinngiffeqarnerup nalaani pinnani erninermut atatillugu ullormusianik tamatigut qinnuteqarneq ajortut. Matuma peqatigisaanik angajoqqaat ilaasa sulinngiffeqartarneq tamakkiisumik atorluarneq ajorpaat. Naalakkersuisut naatsorsuinerat piviusunit annertunerusoq, aningaasartuutissatullu missiliussat nikerarsinnaanerit naatsorsuutigineqartariaqartoq siunnersuuteqartup ataatsimut inernilerpaa. Angajoqqaat naartunermut sulinngiffeqarsinnaatitaanerisa sivitsorneqarnerata kingunerisinnaavaa ulluunerani paaqqinnittarfinnut inissamik pisariaqartitsinerup sivikillineqarnera tamatumani inuiaqatigiit ataatsimut isigalugu sipaaruteqarsinnaasut siunnersuuteqartup ilanngullugu erseqqissaatigaa.

Pineqartumi malittarisassat atuuttuut allanngortinneqarnerannut atatillugu inatsisitigut allannguutaa annikeqimmat tamatumunnga aningaasartuutit Isumaginninnermut, Ilaqutariinnermut, Naligiissitaanermut Inatsisinillu Atortitsinermut aningaasaliissutaareersunit akilerneqarsinnaagaluartut, tapiissutitut pisariaqartinneqartoq annerpaamik ukiumut akissarsiaritinneqartartut ¼-mik aningaasartuuteqarfiussoq siunnersuuteqartoq isumaqarpoq.

Siunnersuutigineqartup pisortat missingersuutaannik attuisussamut ukiumut 12.309.898 kr.-inik aningaasartuuteqarnissamut missiliorneqartumut isumaqatigiinniarnissamut ammalluni siunnersuuteqartup oqaatigaa, assersuutigalugu aningaasalersuineq ima ingerlanneqarsinnaavoq:

”Naalakkersuisoqarfiit tamarmik taamaallaat Peqqissutsimut kiisalu Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfik pinnagit, peqquneqassapput pisariillisaqqullugit Naalakkersuisoqarfiit tamarmik immikkut allaffissornermut aningaasartuutiminnik 1,6 millioner koruunit nalinganut sipaaruteqartussanngorlugit. Naalakkersuisoqarfiit namminneq aalajangissavaat pisariillisaaneq qanoq pissanersoq. Tamatuma kingorna sipaarutigineqassapput katillugit 12,8 millioner koruunit taamaasillunilu siunnersuut tamakkiisumik aningaasalersorneqarsinnaalissaaq.”

Ataatsimut isigalugu siunnersuutaaqqaartup allaffissornikkut aningaasatigullu kingunerisasaanut tunngasut ataatsimiititaliap tusaatissatut tiguai.

Ataatsimiititaliap inassuteqaatai

Ataatsimiititaliami amerlanerussuteqartut Siumut aama Inuit Ataqtigiit siunnersuut pillugu ima oqaaseqaateqassapput:

Siunnersuutigineqartoq pissusissamisoortoq pissanganartuusorlu amerlanerussuteqartut isumaqarput, ilaqutariit meerartallit erninermut/angajoqqaat sulinngiffeqarnerminni atugaasa pitsanngorsaanissamut aningaasaqarnikkut sinaakkutissat iluini qanoq pitsaanerusedumik periarfissiisoqarnissaanersoq sukumiisumik misissoqqissaarneqarnissaa taamaalillunilu ersarissisinneqarnissaa ilaqutariinnut meerartalinnut pissusissamisoornerusedumik tigussaasumik pitsanngorsaanermik suliniuteqartoqarnissaa amerlanerussuteqartut kissaatigaat.

Ilaqutariinnut pitsaanerusedumik suliffeqarnermut politikkeqalernissaq aammalu misissueqqissaarnerit kaammattuutigineqartullu Naalakkersuisut allannguutissat siunnersuutaat malinneqartussat UKA 2017-imut Naalakkersuisut nassuiaatigiumaagaat tamatumunnga atatillugu utaqqimaarneqarpoq. Misissueqqissaarneq Naalakkersuisunit siunnersuutigineqartoq kingusinnerpaamik UPA 2018-imi naammassineqassasoq amerlanerussuteqartunit naatsorsuutigineqarpoq, tamatuma kingorna pineqartumut naalakkersuinikkut aalajangiinissat suliniutissallu tamakkiinerusedumik aalajangiiniarnermi ataatsimut tunngavissinneqassallutik.

Ilaqutariinnut meerartalinnut sinaakkutit erninermullu atatillugu sulinngiffeqarnissamut angajoqqaallu sulinngiffeqarnissamut periarfissaat pisariaqartinneqartumik pitsanngorsarneqarnissaat siunertaralugu sulisoqarnissaa pillugu tunngaviulluinnartumik naalakkersuinikkut kissaatigineqarmat ataatsimiititaliami amerlanerussuteqartunit maluginiarneqarpoq. Qanoq iliornikkut ilaqutariit meerartallit erninermut atatillugu sulinngiffeqarneranni/angajoqqaat sulinngiffeqarneranni atugassarititaasut sapinngisaq tamaat nukittorsarneqarnissaat pitsanngorsarneqarnissaallu paasiniaaqqissaarneq ersarissanerlu pitsanngorsaanissamut inuiaqatigiinnilu sinaakkusiussat iluini takorluukkanut naalakkersuinikkut piviusunngortitsinissamut alloriarneruvoq pingaaruteqartoq.

Tamanna tunngavigalugu siunnersuutaqqaartoq itigartinneqassasoq Naalakkersuisullu allannguutissat siunnersuutaat akuerineqassasoq amerlanerussuteqartut qulaani taaneqartut inassutigaat.

Ataatsimiititaliami ikinnerussuteqartoq Demokraatit siunnersuut pillugu ima oqaaseqarpoq:

Suliamut matumunnga atatillugu angajoqqaat sulinngiffeqartarnissaat sapaatit akunnerinik sisamanik sivitsorneqarnissaa pillugu siunnersuutigineqartoq tunngavilersorluagaasoq,

ersarissisilluarneqarsimasoq naalackersuinikkullu suliaqarnermi piumassuseqarnermik takutitsisoq ataatsimiititaliami ikinnerussuteqartoq isumaqarpoq.

Angajoqqaat sulingiffeqartarnerissa pisariaqartinneqartumik sivitsorneqarnissaanik ersarilluinnartumik siunnersuuteqartoq siunnersuummik saqqummiussisoq annertuumik nersorneqartariaqarpoq.


Naalackersuisut allannguutissatut siunnersuutaat taamaallaat pineqartumi naalackersuinikkut anguniakkanik kinguarsaataannaassasoq ikinnerussuteqartoq isumaqarpoq. Tamanna naalackersuinikkut suliaqarnermi nukillaarsaataavoq piumassuseqarnermut kigaalaqutaasoq, ajoraluartumillu amerlanerussuteqartut allaffissornerujussuup nukillaarsaataaneranit pisarineqarsimapput. Naalackersuisut allannguutissatut siunnersuutaata naalackersuisooqatigiit naalackersuinikkut suliaqarnerat sanngiilluinnarpoq. Allaat pineqartumi naalackersuinermik suliaqartut partiit tamarmik assortorneqarsinnaanngitsumik ataatsimoorsinnaanerigaluannik allannguutissatut siunnersuut eqqumiinnerulerlunilu paasiuminaannerulersinneqaannarluni.

Allannguutissatullu siunnersuutip ilusilerneqarnera paasiuminaappoq, tamanna sunaassusersineqarsinnaanermik, iliuuseqarusussutsimik kiisalu naalackersuinikkut piumassuseqarnermik amigaateqarnerata saniatigut naalackersuinikkut suliniuteqarnermik naalackersuinikkullu iliuuseqarusunnermik kinguarsarnermik siunertaqarnera naqissuserpaa.

Naak naalackersuinikkut sulinermi siunnersuummut matumunnga akerlerineqaraluarlutik ilaqutariinnut meerartalinnut aamma erninermit atatillugu sulingiffeqartarnermut aammalu angajoqqaat sulingiffeqartarnerannut atukkat nukittorsarneqarnissaat partiinit tamanit anguniarneqartoq kinnerussuteqartunit maluginiarneqarpoq. Maannakkut iluatsinngikkaluartoq siunnersuummik matuminnga sulineq aallartinneqarneq ungasinnerusoq isigalugu piviusunngortinneqarumaarpoq.

Tamanna tunngavigalugu siunnersuutaqqaartoq akuerineqassasoq Naalackersuisullu allannguutissatut siunnersuutaat itigartinneqassasoq **ikinnerussuteqartup inassutigaa.**

Taama oqaaseqarluni isumaliutissiisummilu oqaatigineqartutut paasinnilluni siunnersuut Ilaqutariinnermut Peqqissutsimullu ataatsimiititaliap aappasaaniigassanngortippaa.



Laura Táunâjik

Siulittaasoq

22. oktober 2017




Nivi Olsen

UKA 2017/56
(UPA 2017/56)



Jess Svane



Mala Høy Kuko



Debora Kleist



Mimi Karlsen



Bendt B. Kristiansen